


# 日本野史

和書門			
類	號	函	架
一五九〇	二〇〇	一	二〇〇

內閣文庫			
和書	類	號	冊
一五九〇	二〇〇	一	二〇〇

內閣文庫	
番號	和 15190
冊數	200( 66 )
函號	139 3

國史十五之三




書大卷九十五

臣列傳卷三  
知河廣志

通宗覽子也

通宗覽子也  
知河廣志




野史卷九十五

淺草文庫

町田久成獻納之章

源忠彦 修



武臣列傳第三

細川藤孝

藤孝播磨守元常一作養子實伊賀守三淵晴

道宗薰子也 國史實錄 武家譜

○逸史或云藤孝大將軍義昭庶弟其母適三淵氏而產焉○石田軍記云大將軍義晴四男母環翠軒良賢女飯川妙佐之女弟也女後嫁三淵晴

貞與大和守藤英異種兄弟而從母于三淵氏云  
○野氏史今按江府淺草慶印寺三淵斧山墓碑  
銘云足利義滿庶子持清母細川氏任大和守食  
城列三淵邑故以為族持清六世晴貞實細川元  
有子生藤英云是以考則藤孝者元有之孫而復  
原籍稱細川氏矣

小字萬吉又與一郎天文八年六月為元常嗣子細川  
系剛近侍大將軍義晴寶十五年冬大將軍義藤授  
諱字稱藤孝系一本二十一年四月叙從五位下任兵  
部大輔一歷本系土代永祿八年正月三好松永之徒殺

殺大將軍義輝併害鹿苑寺周暲又將殺慶覺於一  
乘院藤孝聞變奉慶覺踰春日山奔近江藩翰譜勸  
慶覺歸俗改名義昭依六角義賢義賢不礼去如若  
狹憑武田義紗義紗以國小兵寡辭復去適越前朝  
倉義景諾而弗果於是藤孝與上野清信議為使者  
如美濃織田信長敬承迎義昭於越前舉兵討逆遂  
奉義昭復歸京師藤孝終始努力勤勞不倦織田家  
譜元龜四年七月信長以桂川以西地封藤孝因以  
長岡為族稱實錄藩翰譜義昭居職昏愚狎暱倭少  
猜忌賢良陰欲謀信長藤孝諫止再三弗聽藩翰譜

天正元年三月信長帥師西上藤孝赴美濃途抵逢  
坂送款織田家譜四月義昭與信長行成信長收師  
而還無幾義昭復舉兵信長怒再發師攻宇治換嶋  
義昭始慚悔數乞宥信長放義昭於河內誅戮餘黨  
藩翰藤孝修青龍寺城以備餘寇遂徇湖北取木戶  
田中岩成左通為義昭掘淀城七月藤孝受信長命  
往攻之與左通戰左通以督力聞藤孝士下津推內  
勇而善泅輜左通故退至橋畔相搏墜水馘之而出  
城遂陷武家譜四年三月從信長攻一向徒於大坂  
織田家譜四月藤孝進縱火于森口追擊歿獲首級  
武家譜

織田家譜有五年二月畠山高政掘紀列岩室城信  
長帥師次泉列香莊香莊疑在攻高政黨於狐碕城  
藤孝為先鋒力戰遂拔之書是月長尾之戰信長陣  
于信達海陸分兵而進藤孝及忠興從海路瀧川一  
益筒井順慶等騎兵總三萬自泇輪口入拓圃分作  
三隊而進雜賀徒來襲藤孝邀擊獲首級覺書三月  
攻鈴木孫市於其城下之說十月屬織田信忠攻片  
岡城拔之又從萱振飯盛之戰皆有功織田家譜六年  
正月信長召藤孝賜饗及點茶於安土城織田家譜六月  
伐神吉及志方藤孝與諸將俱前縱火于卷口攻之

是冬攻伊丹有岡城又伐長曾左衛門尉于丹波小  
山城七年七月攻嶺山城覺八年三月叙從四位下  
任侍從系一本六月或作丹後乱信長封藤孝於丹後  
一本覺書八月藤孝發兵以有吉立行米田助右衛門  
為先鋒率兵七百惟任光秀到龜山其兵六千分作  
三隊軍梅坂惟住長秀以有疾令屬下太田重正溝  
口宣勝村上 明等其兵一千歷松尾嶺而入八幡  
山藤孝慈仁懷民專施德政農高輿服未歸守護一  
色義走部下作乱遂誘殺之一色藤長以田邊城降  
大嶋對馬守櫻井豐前守天野藤一郎等相繼而降

終移治于田邊城

織田家譜  
太閤記

又築宮津城

一本  
系圖

○今按一色氏之亡國也明智記云天正六年藤  
孝受封於丹後是歲九月一色義道拒戰死其子  
義俊出而降信長命殺之○丹列三家物語云天  
正十年九月忠興迎妹夫義定殺之○逆史作天  
正九年三月亡○有吉氏代代覺書云天正十年  
九月忠興廻計策誅弓木城主一色左兵衛尉使  
松井曾助有吉立行政弓木城拔之取室家而歸  
諸書所載有異同猶當考

當羽柴秀吉徇山陽藤孝張陣于因伯國境為之聲

援武家譜十年六月右府信長遇弒藤孝深悼其非  
命如京師吊之為賦百韻聯歌曰壽美曾免能由布  
逾耶奈許里楚傳乃都由聖護院門主道澄次之曰  
多滿末津類能乃都幾乃阿岐可勢紹巴又次曰和  
計也返苗加契乃萬劇武志祢弭那伎豆去去太周  
蒲即日藤孝削髮入道自稱玄旨又號幽齊細川  
譜十三年三月從秀吉于紀列攻積善寺豐十月  
叙從二位法印聽昇殿系圖一十五年三月閔白秀  
吉征伐西海幽齋發田邊城適筑紫行營親書九列  
道乃記九州道十八年從征小田原又書東國陣道

乃記東國陣慶長初年秀吉從大坂得夢想和歌幽  
齋書夢想記賦和歌曰須美豫志能加美乃免臭味  
毋安羅輪麗豆幾弥哥耶知與千萬都乃古登廻波  
想慶長五年東照宮東伐石田三成作亂勸一  
色藤長說幽齋父子藤長家田邊屢誘弗指忠興亦  
數言三成等共謀滅藤長藤長怒將害忠興忠興忿  
把刀斬藤長從者亦擊殺藤長士卒百四十人太三  
東國太忠興從師于東冥妻孥于大坂三成誘之弗  
聽而自殺三成大恚使小野木重勝谷衛友藤掛永  
勝前野長康川勝常隆織田信包毛利長高毛利高

改赤松廣秀山碕家盛小出吉改別所豐治杉原長  
房生駒正俊高田豐後守等及丹後但馬軍卒一萬  
五千餘○按慶長記逸史並作二萬○大三川將來  
攻德川記石幽齊聞之棄宮津城而據田邊城幽齊  
嘗好文嗜武雖小技悉極蘊奧最尊崇和歌相傳二  
十一代集及源氏物語及乱起預慮為灰燼附參議  
藤原實條西三條以奉 朝廷副以和歌一首曰以仁  
之適毋伊萬毛加波良奴與乃那可爾許許呂廼多  
年平能古須巨登乃波實錄三出雲人三刀屋孝智  
豪武善闘先是征明之役隸毛利氏有功不見錄退

漂居京師與幽齊善數來往京師丹後敵徒欲引以  
為鄉導喙以厚賞孝智陽許之率其徒五百人趨入  
城幽齊大悅東遷基業七月二十日重勝等合圍德  
記藩孝智邀擊覆之山下又夜斫敵幽齊麾眾助之  
多獲首級既而敵附竹盾薄城孝智屢出健闘敵兵  
滋至幽齊與孝智以死自盟防禦甚力敵作長圍守  
之基燧谷街友嘗學和歌於幽奇故戰尤不勢其他  
將士多懷貳鏡輒不凡是故城兵少損傷攻圍既五  
旬幽齋死守相持重勝謂諸將曰斯城難急屠遠圍  
以斷糧路矣大三川志亂平而後幽齊為衛友懇請



宥其罪史逆初幽齋受古今傳於內大臣藤原實枝條三  
西悉得其秘奧蓋王室自中葉文季瘵專崇和歌  
祀祖宗之道於詞學授受為訣以古今傳授為最重  
當是時公卿以下無知其說者僉恐幽齋死其傳泯  
滅後陽成天皇持始前田玄以右大辨藤原光廣  
鳥奉勅赴大坂傳勅旨曰夫和歌者我邦之風  
自天地間闢而來及百王之今其道永傳矣方今亡  
達道之國材最朝家之所歎惜也昏議以可救二  
位法印也大坂乃奉勅馳飛鳥馬制止雖然攻擊累  
日彼是極死力接戰交戰不解事達天聽復使權

大納言藤原光宣野參議藤原實條三奉勅赴  
師于丹後諭開城幽齋對曰普天之下率土之濱無  
非王土王臣今辱奉龍詔之恩臣如年壯則敢決  
死於白刃下深謝天恩於泉下矣然齡既衰傾故  
令是役雖不效餘命幾許與故以不惜軀貪名譽而  
奚可叛王命乎慶長紀沒幽齋所傳古今傳授初  
東常綠傳種玉菴宗祇宗祇以傳內大臣藤原實隆  
實隆以傳其子右大臣公條公條以傳其子內大臣  
實枝實枝傳其子左近衛大將公國公國蚤薨時其  
子實條尚幼稚僅七歲故幽齋暫傳之欲族實條之

長復之於其家乃迎入田邊城鞠養而傳歌學未授  
古今之蘊奧及實條稍長歸京師幽裔將傳之會征  
明之役與幽裔從筑紫行營故以托古今傳授箱於  
孫女婿右少年藤原光廣曰我如死是役則請可授  
此箱於實條也以和歌附曰比登能久仁比具也耶  
志萬母於尤滿梨天布多太尾加遍勢輪可廼字羅  
奈美軍石田

○丹列三家物語云前權中納言源通勝院中參議  
藤原實條三藏人頭左中辨藤原光廣丸嘗學  
和歌於幽裔屢請古今傳授未聽迨庚子之亂起

深憂有憂屢請而不止於是幽裔備書記奧旨納  
篋中各緘以贈三卿曰古今傳授我嘗所口授多  
年雖懇望未果今更受大軍圍死期將在幾我若  
歿則宜解緘得意旨也三卿偕感師恩情以待捷  
報或謬傳幽齋死役通勝及實條遽解封光廣特  
不然會勅救幽齋急而幽裔入京師光廣相見  
示封篋及和歌曰阿契豆美奴可斐母安里計李  
太麻天婆許布多多比可遍壽字良之萬乃那美  
幽裔感其篤誠加筆外秘奧悉傳光廣云○大參  
川志東遷基業並載式部卿智仁親王歎惜幽裔

如自殺古今傳授泯滅遣大石勳助千田巴城諭  
令獻傳書於禁闕函奇以古今及源氏二部箱  
副二十一代集托使者附和歌曰母之保久差伽  
伎阿津女多類安因登迷豆武如之爾可及類輪  
可能宇良奈彌○又石田軍記云 天皇憐愛古  
今傳授斷滅使推大納言藤原實條及光廣適田  
邊城 教諭止戰兩卿入城函奇拜命之辱以古  
今傳書暨源氏物語奧議二十一代集口訣切紙  
八雲大事等具淨書副以伊尔之遍母以末毛之  
和歌附西卿兩卿乃遣賀茂祠官松下某諭歌解

圍去○野史氏按諸書所載不同或作征明之度  
又係庚子之亂且事實亦有異同猶當考

九月十二日敵軍解圍去石田軍記函奇移龜山城尋  
聞閩原之捷遂道高野山藩翰譜事平而後 東照

宮念其勞也召還老于京師 天皇擇公卿長詞學  
者就受業延慶長八年春 東照宮拜征夷之職草  
創業成規則未備函奇少好學精練朝章累年近侍  
室町幕府足利氏奕世典故莫不通曉稱為當時有  
識者時卜居衣笠山麓 東照宮令永井直勝屢奉  
問禮反覆弗措眷遇殊渥江府制度儀節多迷奇所

定去時尚草昧而東照宮注意於禮治孜孜採坊  
幽齋之取於人亦能無媿焉翰慶長十五年八  
月卒于京師歲七十七系法名徹宗玄旨號泰  
勝院係所著伊勢物語閣疑抄百人一首  
抄等行于世堵城弓馬規則練熟武家故實依東  
照宮命獻家傳禮式三卷續幽奇嘗善太鼓或譬以  
戒人曰每人器度量雖超過眾人苟不可持驕慢  
之心斯心聊生則內外障礙折其機折則一世  
恥辱不可雪矣斯心雖普通之事也熟慮則徒非技  
藝之業亦可涉萬般矣室幽奇初欲學伊勢物

語官途未遑當時前關白藤原植通條最長其道幽  
奇竊謂我今直廳雖無間暇植通亦高齡變不可測  
乃就得聽初音卷及三箇秘說云內大臣實條初就  
學和歌一日書能津加左耶津加左仁之幾登梨等  
故語來問其說幽齋備辨之而誠曰卿如有學此語  
之間宜學和歌也此等疑難古今先達既論之心思  
甚達道也諭而遣蓋合往時定家官為侍從之日問  
其父曰祢苗耶祢里楚之為言何也俊成白眼曰欲  
聞其說者詠之矣乎之意云幽齋資性慈仁左右侍  
童每狂喧遊戲不敢制止有恩齋者執內外事時此

侍童幽齋曰凡為武士者事如發則不爭寸土以死  
為榮也汝強勿制彼等漫遊去慶長中有西土小侯  
就所司代桑原治右衛門請祿武人者治右衛門問  
其所欲對曰欲得和歌聯書學弓馬悉兼備者如吾  
儕祿微者不得養多士故欲寡以辨衆治右衛門曰  
如足下所望請者天下唯一人在細川兵部大輔  
云可能祿否其人忙然辭去右府信長尚幽齋主命  
對曰與公同曰然則午矣耶曰然聊有所異信長恠  
尚對曰公乃金覆鞍馬也如臣小荷馱馬背上常  
負物所驅責幽齋平素尚故實関白秀吉在世之日

見懸朝衣者廼叱解之從者皆用半鞋居第不畫障  
紙衣裝必用玄色小田原之役甲仗背標皆用玄色  
玄壯年有膂力織田常真第有申樂幽齋卦之門者  
拒止搗棍將搏幽齋徐握門者腕撮推後浴有馬溫  
泉得治云或有牡牛牽車來幽齋把牛角推之牛乃  
却走又學擊劍法於塚原卜傳云関白秀吉次在聚樂  
一日觀申樂金春又右衛門役朝長坤樂懺法太鼓  
樂畢而後來見曰今日會卿來臨胸轟臂戰忘夫前  
後願得聞是非幽齋乃揮撥視其技而薦酒奏囉子  
幽齋拊小鼓奏畢又右衛門揖左右進請曰生涯願

望也得聽一曲矣幽齊曰夜將闌更不厭他引卽復  
把撥搏遊行柳曲中樂名由終衆感佩稱揚去又觀世太  
失行勸進申樂於神泉苑幽裔往見遣人問曰觀世  
業以無垂幕爲家例今用之者何矣太夫遽驚脫烏  
去或乞人凡畫贊詞幽齊固辭而曰爲卿所請雖寫  
一切經我不敢辭於此贊詞不能也或曰恩齊謂曰  
今朝襲石多墜水門堵令愛宕山下坊祈禱矣幽齊  
西曰水門石如上屋棟者我可裨襲石自上墮下其  
何恠之有秀吉九列陣使幽裔打量薩摩地或社人  
託裔恠現神異駭動衆聞幽裔曰如斯者嚴可鞠糾

真偽也畫捕處刑去或時聚樂和歌會右近衛權少  
將勝俊誅誅兩中郭公曰阿迷爾耶久差能乃和多李  
乃保登々伎須奈礼毛耶杜麗類可計也那哥良武  
他日幽齊謂松永貞德曰先我剡正彼和哥然當日  
以他和哥對曰遺失矣曰否彼必以前所詠爲敗故  
改焉矣我亦以爲此歌勝矣雖然都下會座以不賦  
他國名所爲規則且佐野渡口子規未聞其澄哥也  
近衛啟本書不載其賦名未有所考和歌十五首而乞改潤於幽  
裔幽裔謂庶幾以定家風體爲趣矣若數雜則悖礼  
也殊賦定家風韻十五首贈之諷諭或阿諛阻撓之

近衛殿竟不解旨趣去戴恩蒲生氏鄉嘗聞幽齋多蓄藏茶具使人請觀之預刻日及期氏鄉來幽齋盛備鎧劔槍弓以視之氏鄉愕然久而請茶具對曰嘗向鄉觀器物故以器也如茶具猶易乃出數品視焉北窓

○閑際筆語去忠興好茶多藏器物得名者寬永中在東府堀田正盛語人曰我欲指三齋翁觀名器其人以告三齋許諾正盛即來寒溫言終乃出家藏蓄物若干陳之前皆武器也正盛素望不在武器不憚而去人謂三齋曰加列嗜茶翁亦所知

盍視茶具對曰武人會武人乞觀器物豈雜以他物哉今按事頗同而人異姑附備考

初幽齋入京師見閔白秀吉也秀吉遽爾曰保曾幾可波古楚布太津奈伽流連幽齋應聲曰吾之與具累滿比伎由久安止仁阿免布里豆三家有四男長忠興次興元小字頓五郎系圖武歲甫十四與忠興攻河列片岡城先登獲甲首迨父藤孝受封於丹後居峰山城征明之役從攻晉列城庚子之亂通志於東師攻福智山城拔之又從忠興于豐前慶長十四年仕台德公次年賜下野田一萬石藩譜叙從五

位下称玄蕃頭武家補任系圖大坂兵起從師于岡山行營  
戰波夏之役屬酒井忠世隊下忠世子忠奉率所部  
而奈興元委指揮土井利勝部下佐久間安次及其  
弟勝之領之本多正純部下其弟領之皆以幕府命  
也立花宗茂丹羽長重時食祿俟一萬石與興元併  
人呼謂三傑嘗所命一利勝二忠世去五月七日興  
元率忠世部下而列利勝隊右安次等志以告忠奉  
諭興元興元曰夫先隊之為備也必非論先後因地  
形以立備也土井氏前部不戰則我必不出兵非敢  
違節制是兵法也弗聽果而左隊潰走安次兄弟雖

制止如不聞興元所部整肅急擊自把槍力戰刺敵  
多使忠奉當敵斬獲頗多慶元通鑑細川興元所部  
獲首一十四級藩翰譜大坂陣首帳明年賞賜常陸田六千石  
藩翰元和四年三月卒法名雄山韓英號大光院系圖  
子興昌嗣子孫相傳居茂木陸常世侯次幸隆稱刑部  
少輔後為僧改名妙菴李孝之稱中務少輔剃髮號  
休奇宗也系圖藩翰譜  
忠興小字與一郎中務大輔輝經養為子系圖武家譜歲  
甫十一從父藤孝于槇嶋戰藩翰十五歲與弟興元  
從父攻片岡城先登共獲首級師從之遂拔其城藩翰



信長賞功授感書譜翰天正六年信忠授諱字  
八年信長賞藤孝忠興父子功封丹後實錄武家譜  
十年五月信長令忠興等適采地屯軍糧援羽柴秀  
吉于中國織田譜六月惟任光秀殺信長信忠于京師  
時藤孝在國忠興軍裝將卦山陽募兵初忠興娶光  
秀女是以光秀遣人謂以攝津封藤孝請發兵為援  
勢忠興大怒不對而謂室氏曰子父行大逆我父子  
嘗被君恩宏大也不可報子者逆賊之女不可同  
室乃幽之於三戶野山中令家人一色某衛護之實錄  
乃與父入京師薙髮盟無異心馳人於秀吉高

松陣相約討賊之議實錄譜無幾光秀伏誅十一年  
閏正月為秀吉前鋒攻佐治新介于龜山城拔之吉有  
諷二月從秀吉于志津嶽列第十二陣豐臣譜三月救  
中川清秀伐瀧川一益於白子克之太閤小牧之戰  
救木村重茲迨徇紀伊攻根耒積善寺豐臣家譜十  
三年秀吉拜関白之秋忠興叙從四位下任侍從本  
系圖歷十五年五月從筑紫軍豐臣譜十六年任左近  
衛權少將武家譜十八年春從征東之役攻薙山城豐  
家八月或作七月秀吉以會津予忠興忠興固辭曰父老  
旦路隔若因畀所任則敢不唯命是從若或錄微功

賞之願得小邦於西土以為京畿守護矣豐臣家譜  
文祿二年三月與加藤光泰等率兵二萬踰海進攻松窓漫錄  
晉列城不克退保王城豐臣六月兼越中守一本  
白秀次獲罪於秀吉也忠興將連坐其黨秀次嘗貯  
藏金當時列侯財用不足有多秀次擇人貸與金以  
求交垣陰貸殖焉忠興亦借其金二百版秀次決罪  
有司促急且謂遲滯則以券契告首忠興力不能辦  
之事發覺則獲罪必矣密議諸老臣松井興長與長  
曰臣頃年與內府臣本多正信親睦嘗聞內府  
之仁恕請試憑為忠興曰我與內府不睦無可賴

之路子若與正信有讖亘試計興長廼就正信請  
東照宮聽之竊召興長於床下審問其譯命正信令  
鬪坐右辛櫃二並收黃金百版宮曰須檢其題櫃  
年月正信屈指對曰自今既二十一年前公在參  
河之秋也宮謂興長曰凡金銀各有出納吏不得  
任我意故余嘗藏此金以備不虞有年今為朝臣達  
狐宿意也乃親自附之興長興長感謝曰洪恩透骨  
速取於國以奉償宮曰否事如漏則兩家被禍害  
敢莫以為念興長拚躍而歸他日忠興適東照宮  
入見宮于茶室揖正信言曰如有不虞事則僕竭

家國以酬疇昔之惠矣恒候門下則人生疑性性今日  
初見終始盡于此而後踈濶如故實錄慶長元年  
九月任參議進從三位一本系圖三年太尚秀吉薨  
大老諸奉行勸前田利家以議禍東照宮忠興嫡  
子忠陸為利家女塔於是忠興切諫利家利家悟得  
曰狡兔死而良狗烹我過矣我過矣即翻附東照  
宮實忠興之力也實川志大四年因秀吉遺旨益忠興  
封杵築五萬石實錄五年秋東照宮東伐忠興  
從後隊及大坂兵起悉榜榜東下列侯妻孥將為質忠  
興室氏先歸自三戶野於是先遣人欲取室氏室氏

弗聽火居邸而自盡敵愈圍田邊城當是時忠興率  
軍兵東下又頒兵戌杵築城唯幽齊羸弱據城竭力  
拒戰王命撤圍當師西上忠興等先驅擊克美濃  
軍尋関原之戰忠興與黑田長政等遇三成兵衝戰  
未決會京極藤堂諸部擊破火谷吉隆而來援左右  
角之敵遂潰蒲生大膳北川十郎嶋新吉等皆死獲  
甲首一百三十級實錄忠興嘗令松井興長有吉立  
行守杵築城是秋太田一吉遣人諭開城二人齊對  
曰不能使者如再則必不赦國人構石垣原立石寨  
以應大友義步義步令柴田小太郎驅兵於郡邑興

長立行擊走之黑田如水亦出兵取安政城興長立  
新與如水援兵俱擊義紗屬吉弘加兵衛宗像掃部  
千實相寺山敵遂潰走武者物記忠興請伐小野木  
重勝於福智山十月拔其城重勝自殺落穗集三十  
一月封忠興於豐前國四十萬石實錄藩十九年冬  
大坂兵起嶋津家久稱海路不便而不發忠興受命  
為之備使子忠利從師及夏兵起忠興馳輕舸抵兵  
庫津遂與數十騎馳至星田行營會東照宮發駕  
途見停駕忠興靖自効宮嘉尊顧本多正純曰狐  
嘗謂是役越中必先眾疾來果尔親自引忠興於駕

靖

中忠興跪踞耳培良久明日見台德公于大和街  
路七日師齊進而薄城忠興與藤堂高虎同軍于平  
野路既而敵可數萬從茶臼山驅下與高虎前鋒接  
戰高虎勢沮歷忠興與察機不搖少烏進兵師從  
之奮戰移刻細川復進軍于天王寺毘沙門池與堀  
田勝喜真野賴包等戰是役也忠興兵寡草莽左右  
縱戰遂擊克之御選大坂日記細川內外城郭火起  
所獲首二十級藩元和五年十二月致仕剃髮入  
道稱宗立三齋系圖武正保二年十二月薨歲八十  
二系圖藩號松向寺系圖或作忠興嘗與父函齋不

初東發之日過田邊渴又而赴師到丹若二列境  
吉坂聞大谷吉隆傳令居閑於熊川杜絕未往旋歷  
山家而取近江路幽齋聞之怒其遲緩忠興亦聞幽  
齋奉勅避田邊城謂夫武也父子送消云三忠  
興受針術於意齋粗得其法或時幽齋誠忠興無狀  
曰阿伽都幾乃祢差女仁奈利止於毛比傳與比比  
仁美多尾波加返梨美須東好菰原隨筆忠興老後  
子忠利入見則自若孫六九見則必撒頭巾或問故  
對曰忠利者子也至近六九孫也稍遠不可無敬際  
辨忠興郎有在吉田諒師每來往東府必宿焉一日往

饗于推大納言藤原光廣館會畿邦諸侯遣使問兇  
鑿製於忠興使者聞忠興在光廣館追到請問忠興  
令左右書注文曰水牛向標地木桐使者曰夫桐木  
性柔觴物則折矣忠興作色曰如巨向標以易折為  
善曰如折他日奈何忠興西曰凡兵臨戰以死為期  
何以貳為念乎折則他日足以為譽子苟念折不如  
不用以輕為本也大手錄武林忠興藏名茶墨或懇請  
以青江作刀一口銀一千枚換之疏青江茶墨玩重  
之或傍忠興之貪所得墨之人愛玩弗措復謝贈銀  
一千兩忠興收之徐謂我意不在重價而在為人所

懇請不論其償依義所趣予焉祀有五男四女長忠  
陸或作陸字與一郎娶前田利家女藩翰慶長三年五  
月叙從四位下任侍從大尚秀吉授羽柴氏一本庚  
子之亂忠興室氏死節忠陸室前田氏先遁去忠興  
聞之恚其怯弱謂忠陸曰可逐對曰某糾向謂臨變  
多衆恐難免故疾去而後姑氏自尽非無其澤矣忠  
興念曰背父不孝不可復見也放逐焉忠陸謂室氏  
曰我不慮為子負不孝之名甚耻世人必謂以妻換  
父又難為狐特不可受舅家之扶助也乃離婚剔髮  
號休無藩翰

○名臣言行錄云前田氏遁在父許忠陸潛通音  
問忠興諭之令絕不肯怒逐之忠陸剃髮号立允  
幽居京師

寬永中當大猷公朝京師省忠陸舊科養髮忠興  
亦聽從正保中昇食邑子孫為家臣一本系圖次興  
秋或名有尚族稱長岡字與五郎藩翰或稱式部少  
輔閩雜間記仲嘗獲罪於父走入大坂城列為一隊  
長夏之役起天王寺戰勢潰逋匿稻荷山忠興執以  
聞東照宮意欲以忠興功勞多故為減死忠興不  
自安六月遂逼令自殺於稻荷東北院家傳次忠利

次立孝稱中務少輔有子行孝正保三年夏從弟光  
尚襲封分宇土田三萬石予之叙爵稱丹後守子孫  
世侯李興孝稱刑部少輔削髮號立白本系圖一  
忠利本名忠光族稱長岡字内記慶長五年八月  
台德公賜諱字稱忠光更族細川後改今名備圖関  
原之戰侍 東照宮左右十年夏叙從五位下任侍  
從元和八年稱越中守寬永三年叙從四位下任右  
近衛權少將武家補任九年轉封肥後及豊後田併  
五十四萬石治熊本城十四年冬嶋原賊起忠利與  
諸將率兵而發次年二月忠利爭先進攻拔賊巢外

壁二十八日先登遂覆巢穴獲賊酋天草時貞藩翰  
十八年三月卒歲五十六法名壹雲宗伍号妙解院  
備圖子光尚嗣光尚子綱利承封後頒予新墾田三  
萬五千石於弟利重藩翰利重子孫相繼襲侯綱利  
子吉利先父卒利重子利武嗣改宣紀宣紀子宗孝  
嗣叙從四位下任侍從兼越中守統藩翰延享四  
年八月十五日登營板倉勝該與宗孝相遇子大廣  
向北攔勝該抽刀斬宗孝變到府邸守邸某聞變馳  
驅到營殿門守衛禁過某告狀解佩力強請看主人  
急進至宗孝側稱重傷護送歸邸明日發喪大坂守

郎某亦聞凶訃急諭饒賈調金一萬兩頻年國用不足某計備便用又國老長岡豐之出獵聞變直馳往東府士夫繼祭夜以繼日到一馱與處夫遇聞宗孝弟紀雄或作雄嗣封而謂我意達矣乃還宗孝弟重賢嗣

重賢本名紀雄襲封稱越中守叙從四位下歷侍從任左近衛權少將天明五年十月卒歲六十八法名徹巖宗印号靈感院統藩重賢嗣立財用缺乏國有舊規收國中抄沒金是時積有二萬金以不雜當用為家則重賢受封之初召諸老及有司取所藏金十

數版混交當用金于坐下令曰亘撰分金素非有異製僉不能辨別之於是重賢曰國家財用奚以殊別乎乃交錯便用手錄雜法重賢嚴立節儉法初入國

也躬自用綿服老臣或諫先君未有服綿者重賢曰是乃我自城莫敢拘家訓諸臣守儉各從其分我雖服綿汝等亘從汝等處分悉改計相勸官說債生改舊弊固定票鈔眾初未服歷年而後皆感服重賢言行肅整金穀便用倍增他國又禁放逐之刑曰放逐之刑於天下莫論耳放逐吾邦則勸他國禮行矣他國之人何罪殊構一郭當放逐者尽囚之以當役丁



有志奮起者計吏年明異質本以營產業故入郭之  
後犯科者雖小過盡處斬寬延二年起國學名時習  
館館左右置講武場東稱東榭西稱西榭學騎射擊  
劔又造再合館學醫生翰好學能任人擢堀完於微  
賤奉教慤為時習館教授遊手記西

○按續叢語云堀完一名勝名字君綽稱平太左  
衛門仕肥後重賢擢為大奉行更張廢改完佃儻  
有智略而好學端莊儉勤持己出入起居皆有常  
度閨門之中嚴如公廷善納人言每燕間延奇偉  
異能之士於論移晷未嘗疲倦若有可疑推問必

窮故人嚴憚不敢虛誕完初襲微祿及為國老至  
三千五百石翁草作石晚年又增秩一千五百石固  
辭不受年七十八而歿先是以年老致仕屏居郭  
外沒之前日氣息喘々殆不知人會閭里年少歌  
呼過墻外侍妾不擇遣人逐之完微閉眼曰暮春  
和煦有騷虞之聲是亦泰平之澤也胡以逐為翰  
去市井俚語去堀 藪慤字士厚號狐山稱茂  
二郎父弘篤號模菴震翁草作承父後仕肥後崇程  
朱學兄安字士壽承父之後慤少力学博涉經史  
能屬詩文初受學資遊學江府京師及國擢時習

館訓導時僅踰弱冠踰年除助教殊為一家陞教  
授天明七年及齋茲自宇土入繼宗家勵心庶改  
方鄉儒術眷注甚篤齊茲入學命慤曰古來人君  
得直言之多未有如唐太宗者也寡人襲封之初  
首求直言而少有忘者寡人竊疑太宗何以多得  
直言寡人何以未得直言必有所以然之故卿其  
以此意策問學士諸生慤乃傳命上對策教通別  
劄疊々言勿欺今日之疑勿忘今日之問之意有  
茲又下王霸之問慤又劄劄言凡為人君者先王  
之道固不可不志而先王之學尤不可不講以大

學為要之意寬政二年疾篤辭職未幾而歿

明和初年朝鮮來聘宗義蕃以有親故來請借穀一  
萬石弗聽或臣<sup>怪</sup>之重賢誠曰我對宗氏非有異貳  
群侯迭用糧穀者國禁之一也如金銀者我敢不辭  
肥後故事每往東武以豐後鶴崎豐前大星定隔年  
艤處或清曰大星路迂遠路費多請定鶴崎一路重  
賢曰厭費變故事則道路失活計莫違舊例重賢慈  
仁多有刑罰有當死者三復之尚從宥而決刑盜賊  
用懸刑有輕重及三田<sup>田</sup>斬之輕罪者剃眉毛當淺丁  
修堀昇傭錢放遣決刑以秋死刑必以冬是日躬自

謹慎當職閉門不出諸司亦然重賢室氏失明盡遠  
坐下年弱婦女以安其意每放鷹不奪農時農民待  
是日如待父母有饑年則開倉廩賑給遇火災者亦  
然富者予爵散財金以賑貧民稱重賢治國也任賢  
憫不能請司小吏皆當其職廉潔慈仁之風日隆月  
起四民激勵一時冠西海天明壬寅饑年肥後最甚  
諸列穀價貴石當銀一百十文日進在餓重賢命  
國中米價一升限八十錢下令曰如犯之者必嚴刑  
高穀者穀如竭則散廩米可賦也即日價減國中拊  
躍延及鄰國翌癸卯春重賢往東府於途到鶴崎行

程三十餘里黎民委績路傍感泣拜謝又出納小吏  
請曰會饑年更減租稅士臣祿秩當其半重賢弗憚  
曰臨大節致死者唯士而已如減其食則臨事義氣  
撓矣敢莫減焉諸士僕隸傳聞感激或相議請收口  
稅弗聽於是各以金換穀煮粥施食窮民于門前或  
于宿坊寺院熊本城下窮民蟻聚受其施延及他邦  
相爭施與民皆獲息埃青麥之熟實如他邦或羣盜  
橫行肥後一列四民鼓腹安枕而食欣仰德澤淹布  
西海手記西有回國一道衆宿民舍夜半主人擲却  
其兒夕涕泣而罷明日問其故對曰兒脚對我君城

故然衆畏敬大率如此翰重賢一世美事有銀臺遺  
事若干卷子孫保社稷世世襲傳  
野史卷九十五終

野史卷九十六

源忠彥 終

武臣列傳第四

斯波義將

斯波義將姓源氏鎮守府將軍義家曾孫治部大輔  
足利義兼曾孫中務推大輔家氏初稱族斯波是為  
高祖父曾祖宗家祖父高経屬足利尊氏族稱  
尾張任修理大夫叙從四位下入道号道朝義將乃  
道朝四男也以尾張為族稱後復斯波源氏初任越

中守遷左衛門佐治部大輔系譜圖古文中三年三月  
從大將軍義滿伐筑紫足利家譜天授五年五月代細川  
賴之為執事南方記傳錄是時改執事初稱管領家譜  
弘和二年十二月叙從四位下任右兵衛督或記傳左  
右衛門督或三年二月親書竹馬抄以城子孫抄馬元  
中五年八月有故出奔傳記六年八月補尾張遠江守  
壤系譜八年罷管領系譜明德四年春或作八月復為管  
領系譜實錄入道系譜道將系譜六月職始或作坐次弟定着聽  
昇啟應永十六年大將軍義持使道將贈反翰於  
朝鮮執政府以告諭義滿義持嗣立道將私求大

藏經於朝鮮系譜十七年五月卒系譜圖花道號玉堂倉錄  
大日號法花寺系譜古義將任右兵衛督居京師二  
條勳解由小路武衛陣仍稱曰武衛家鹽尻清須子  
義重嗣

義重本名義教系譜頃間細川畠山及諸名族賜大將  
軍偏諱字稱名以為規模唯斯波氏賜義字冠名後  
世立為恒例系譜任治部大輔遷右兵衛督陞從三  
位系譜應永十二年為管領系譜十六年十一月傳記  
作三月或作花辭職使子義淳代補之系譜二十五年八  
月薨系譜法名道孝系譜大子義淳

義淳任左兵衛佐治部大輔系因永享以忘永十六  
年冬代父為管領錄二十九年七月辭入道號道欽  
傳或道瑞記大日正長二年七月寧錄作再為管領傳  
傳永享五年十二月卒實錄號心照寺系因初義滿  
鍾愛少子義嗣欲讓征夷職必憚列侯不服未發而  
殂是以列侯或屬意義嗣者殆似有兩主前管領義  
將入道道將一心翼戴義持義重繼職而後羣侯畏  
憚父子威權義嗣亦不能拉之斯波氏權勢特卓越  
義淳卒而子義豐嗣任治部大輔蚤卒嫡流斷絕家  
勢稍衰再從父弟左衛門佐滿種子義鄉嗣

義鄉任治部大輔系因實錄或永享八年九月墜  
馬明日遂卒大將軍義教愠惜為塞門七日實錄子義  
健嗣

義健國史實錄小字千代德系圖任治部大輔系  
寶德三年九月義健笏下尾張守護代織田敏定與  
甲斐某爭論忤義健旨罷敏定守護代大將軍義政  
諭義健及甲斐某復舊猶不從寧錄享德元年九月卒  
按鹽尻作長祿四年應仁號洞仙寺系圖義健卒無嗣  
祀作長祿三年四月卒叔父持種子義敏嗣而後淡川義廉爭家督一家遂  
廢類

義饒一作義  
鏡本朝通記作  
義種

義敏足利家譜又歷名士代修理大夫持種入道之顯

子實一族大野義饒饒子也亨德元年義健卒無嗣大

將軍義政命令擇支族當任者眾舉義敏請以為嗣

實錄譜九月義敏入勅解由小路弟應仁任左兵衛佐

合戰記清須斯波氏宿臣甲斐朝倉織田之徒意不欲

之擬議數年迨康正二年三人之徒專橫掠奪越前

遠江尾張三列國人樹黨割拠分為三部織田取尾

張朝倉取越前甲斐取遠江實義敏初十六歲継家

承近代幼折之後幼下爭威專恣欲一以法繩之罷

織田御廣尾張守護代遂殺之越前以其子敏廣代

之更欲治甲斐美濃入道之罪乃令甲斐近江安居

修理條訴之眾怒曰此豈新主遇故臣之道耶因甲

勢負親請廢義敏倭史後編引志義敏避居東山東

光寺愁訴幕府請驅家脉義政猶豫不決實長祿三

年二月三人之徒就伊勢負親懇義敏昏愚不堪家

職清除籍義政慰諭不肯故使義敏致仕立于松王

丸而和輯之義敏從命既而義政聽強臣所請以澀

川義廉擬故義健子継家督義敏失望怨恨弄周防

憑大内教弘實錄南海寬正元年義敏在周防附大

内氏高船遣書於朝鮮實頃歲義敏室家姊妹為伊

勢負親妾妾為義敏屢歎請負親令復歸京師負親  
**領**之相約以義敏子松王丸為蔭涼軒西堂真葉弟  
子是以真葉亦為懇請義改

○南海治亂記後太平記並載負親前妾與義廉  
有緣為請夫人而立義廉今復以前妾死而為後  
妾請納義敏亘矣生亂階

負親子負宗棟父曰初義敏以為臣族故被放逐如  
今聽之則禍亂必臻負親不納屢為請而不止義改  
遂許可家譜六年十二月義敏歸入京師家譜有藤  
與修理大夫義饒入道明嚴俱入見義改及義視家譜

南海治亂文正元年六月負親及真葉屢請令義敏為  
家督義改復聽之八月義視密通義廉義改聞而怒  
定義敏為家督止義廉營參旦收其居第義廉不從  
山名宗全忿幕府反覆與義廉俱聚兵都下流言義  
視亦黨義廉義改因與義視絕義視潛行入細川勝  
元弟京師騷然負親直築晦跡義敏犇北國家譜九  
月義改與義視講和使義廉復家督實錄應仁元  
年正月義敏率兵五百黨勝元家譜文明四年十二  
月叙從五位下士代名任治部大輔系因永享以七  
年十一月高尾張尾張國為斯波氏累世封地抄下



織田氏為守護代者久一列率服義敏徒存尸位耳  
實錄十年七月叙從四位下土代名延德二年正月卒  
于大野越前歲六十一實錄○系因古押譜並子義寬  
義雄義寬或名義良任治部大輔文明三年四月為  
垣澤二宮等自殺義雄為左衛門佐永正十年黨大  
河內等入會下寺削髮為僧赴尾張大永元年歿系  
子存意為僧居上策院任大僧正門跡  
義廉左兵衛佐澀川義紀子也系亨德元年義健卒  
義敏継家督甲斐朝倉織田之徒不平伊勢負親以  
與義廉有姻好為請長祿三年二月義政遂黜義敏

以義廉為義健子任治部大輔領家督義敏奔北國  
家譜寬正五年四月義政觀申樂義廉獻盃酒還路  
入義廉第家譜六年十二月義敏復歸京師實錄文正元  
年六月義政以斯波氏家督復聽義敏家譜七月都  
下騷亂尾張守護代織田敏廣自遠江歸國聞都下  
騷援將發會國中土寇起侵掠邑里是月織田敏貞  
先入京師文正八月義政命罷義廉營參旦令避居  
第壞義敏義廉不肯實錄織田廣成率兵入京師尋敏  
廣使弟廣近從父弟廣久族廣泰等率兵入京師甲  
斐美濃入道常治子千菊九時年十二率兵五百入

京師第義廉自酌予杯曰汝年弱宜保身命以計後  
采千菊辭曰臣雖幼臨大節豈忍去哉唯請生死俱  
從記文正義廉嘗為宗全女壻宗全大怒曰雖教命我  
決不從馳到義廉第追討使當力戰也與義廉議  
召兵於分國應仁義廉母者山名攝津守女也聞亂  
起自按刃曰事如敗則自殺乃召板倉某等斟酒自  
守文正都下流言義視亦黨宗全義廉義改因與  
義視絕義視潛行入佃川勝元第京師益騷援義敏  
貞親奔走九月義改使義廉領家督如故實錄應仁元  
年正月義廉為管領實錄○鹽尻藤親基日率越前尾張

遠江三列兵扶宗全實錄義廉以世任門地故雖代  
畠山改長補管領府下權勢悉歸宗全畠山義就等  
與黨驕恣專橫實錄五月任左兵衛佐親基文明五年  
宗全勝元相尋歿餘盡彌抗衡群國蜂起七年十一  
月義廉犇尾張統史引合符八年九月義廉將兵往越前  
攻朝倉孝景統史引九年十一月義廉罷兵歸居  
清須城清須合戰  
○按南海治亂記載文明二年義廉卒于西陳其  
子在越前臣甲斐某弑之朝倉貞景居京師聞變  
疾馳歸國攻殺甲斐某而幕府命割武衛氏分國

子越前於朝倉尾張於織田氏士

義廉子義良任左兵衛督記合戰文明十二年列相伴

衆永享以來義改以義良為管領義良義廉之子也

所未考子義達

義達系圖或或名義遠長享二年嗣任治部大輔系

記合戰長享二年九月從大將軍義尚于近江列在陣着

記合戰永正中大河内貞綱據參列臥螺城自立振威於

近郡與今川氏親相侵伐遣人厚幣乞援於義達永

正十年三月貞綱引間城掠畧縣邑氏親率兵一

萬到達列義達亦將兵抵深嶽城而計議氏親部下

朝比奈泰以夜未襲義達所部敗走奧山十一年三

月貞綱再取引間城侵掠池田入野地兵勢頗張復

求援于義達使織田敏信為清須苗後將發織田信

安固諫止弗聽是以上四郡兵士弗從義達僅率士

卒赴入大河内城六月氏親帥師三萬來圍救匝八

月十九日城遂陷貞綱及弟道綱高橋正定等死者

一千餘人義達乞哀入普濟寺剔髮氏親憫同姓之

滅亡助命護送尾張義達贈盟書曰後世我孫子對

駿河館不可敢寧也寧氏親乃使季子氏豐為副歸國

義達尋先鹽尻合戰記大永元年卒清須合子義鈔

義鈔繼父任治部大輔系圖鹽尻名威武衰弊家勢  
不振織田敏信入道常祐及弟宗信執國改氏親亦亦  
修名護屋城使氏豐守之義鈔以妹妻之天文初年  
常祐卒養子信友代執國事鹽尻名古義鈔有嬖童  
名古屋高正多畀食邑鍾爰之築田弥二右衛門竊  
狎暱為刎頸之交信友亦慕高正美姿屢寄書挑之  
弗應信友憤怒探知彌二私通密廻計策弥二及高  
正懼搆終曰信友懷異罔也義鈔信用將殺信友彌  
二亦憑信友部下謀滅之一族信長嘗憎信友居宗  
族專恣威權用弥二之言欲與義鈔通謀殺信友天

文二十二年六月義鈔發兵併信長兵圍清須城信  
友兵強而不拔遂行成而罷義鈔猶在牙城或謂義  
鈔與信長通謀滅宗家矣信友聞而不安是歲七月  
十七日義鈔子義銀出狩于萱津川信友窺城中單  
微急起兵襲牙城義鈔部下森武改等拒鬪而死者  
三十餘人義鈔力屈縱火自殺鹽尻清須合戰法名  
義山號源受院鹽尻信友奪清須城掠略近郡清須合  
義鈔子義銀義永  
義銀小字岩龍丸父遇弒之日漁于萱津川聞變疾  
馳走名護屋倚賴信長信長寘諸天王坊義銀弟亦

就虜于清須潛奪之俱寘之於坊信長深憎惡其所  
為是月十八日發兵攻清須戰于山王口擊走之二  
十三年二月清須老坂并大膳乞和平迎入織田信  
光於城與信友為兩守護四月信光入城而居南郭  
明日殺大膳兄大炊助於城中大膳奔去信友懼與  
左右數人將走信長急起兵未襲信友不能脫去遂  
就戮監屋合戰名古信長入清須城使義銀元服稱治部  
大輔兵或滯佐右居牙城崇敬稱尾張屋形永祿三年義  
銀與吉良義安會盟或作永祿四月今川義元志攻吉良  
義安未奔清須為食客是歲石橋義忠以戶田莊服

部左京亮以河內城竊勸義銀義安背信長事頗漏  
信長怒放逐義銀義安義忠於三方而義忠賴左京  
潛居于馬嶋義安遁去于駿河隸今川氏義銀走長  
嶋或云義忠與走無幾長嶋陷逃走伊勢後又漂流河內難  
髮号三松軒元龜中因富山昭高謝罪信長畀之小  
邑鹽尻織田記名古屋合戰記  
義永或作義久稱玄蕃允初潛居參河中山稱族津  
川仕織田信雄鹽尻清須合戰記為松島伊勢城主與岡田重  
喜淺井多宮瀧川雄利列為家宰稍張威勢天正十  
二年三月羽柴秀吉密通謀於義永等將謀信雄雄

利伴諾告之信雄信雄念召義永等三人殺之於長  
嶋城義永為飯田半平所殺信雄遣兵拔松島城小牧  
戰夜岩諾子親行稱左近允仕右府秀賴在大坂城元  
和元年及城陷自殺七秀賴事記  
大坂記

○按兵家茶話云義廉有三子長義達次義竹季  
義長義長族稱津川字弥太郎稱左兵衛佐有二  
子兄曰長義因外戚氏稱牧為川村城主在尾張春日井  
郡子長清字與三右衛門居小林城在駿河郡娶右府  
信長妹生子長盛弟曰長正亦族稱牧字四郎右  
衛門元龜三年味方原戰被創而死子長勝或作長次

仕 東照宮云又或云伊奈侍從毛利秀賴者斯  
波三松軒弟也野史氏云惜矣哉武衛氏為足利  
氏支族世補重職當時無與抗衡者然家族事跡  
遺失紛亂無所可以徵稱呼名實往往混交唯恐  
訛謬多矣雖為寡聞見陋姑從官見載之臧者宜  
校正焉

